

TITIRAKI MA KAEKAAIA



Te bitaki aei bon te karikiram ae boou—ke e raka riki nakon anne? Bwaaai n reirei aika boou aikai a taraaki bwa kanga ai aron te karikiram, ma ngaia bon aanga ibukin karaoan kooram n te Nakoanibonga ae te Merekitereka ao Bootaki n Aine ni karikirakea aia kakamwakuri n ana mwakuri te Atua ao ni kakoroi bukin kainnanaoia kaain te Ekaretia n te aba. Te

bitaki aei e katauraoa te tabo ae tamaroa ibukin ataakin, reirei taekan, ao bukan kainnanao akanne.

Tera ae ti na katurui ara taratara iaioia n tain bootaki n te Tabati? Ni moanaki n Nobembwa 2017, rongorongon te maungatabu ni kabuta man te *Riaona* ao *Ensign* e na kairaki inanona bwaaai n reirei ake a na kamanenaaki inanon bootaki n te Nakoanibonga ae te Merekitereka ao te Bootaki n Aine. Uoua namwakaina ni bootaki a na katuruturuaki iaon rongorongon n te maungatabu, ao taan kairiiri ao taan reirei a na anganaki iango ibukin buokaia kaain te aro ni maroroakin ao ni maiuakin rongorongon akanne. Moan Tabati a na kabonganaki ni kaai n reirei ni kabane ni buoki kainnanaoia kaain te Ekaretia n te aba ao kaaua n Tabati ni kamatebwai atuun rongorongon ake a rineaki irouia ara tia kairiiri ni kabuta. Tarai tain te bootaki n te namwakaina n te iteraniba are te iterana.

Tera ae nanonaki ni kaai n reirei ni kabane ibukin taekan kainnanao n te aba? Kooram n te Nakoanibonga ae te Merekitereka ao Bootaki n Aine a “tekateka ni kauntira” (D&C 107:89) n te moan Tabati ni katoa namwakaina. Iaan aia kairiiri te nakoanibonga ke te Bootaki n Aine, bootaki n te moan-Tabati a kamanenaaki n atai kainnanao ao ni kaai n reirei ni kabane bwa ti na kanga ni butimwaaai kainnanao akanne. Atuun rongorongon aika a kona n reke ibukin reirei n te moan Tabati e kaairaki inanona aron katamaroan te reitaki ma kaain te utu, ni beku n te kaawa, ao ni kairiia kairake inanon te uote ao n te mwaanga. Inanon bootaki ake imwiina, te kooram, kurubu n ibonga ae rietaata, ke te Bootaki n aine a na taorimwiiaiki ma wirikiriki mai iroun te tamnei ae raoiroi ao mwakuri.

Te karikiram aei ti te arona ma are *Nakomai, Irirai* ibukiiia kairake? E ngae ngke atuun rongorongon ao bwaaai n reirei ibukin *Nakomai, Irirai*—*Ibukin Bootaki n te Nakoanibonga ae te Merekitereka ao te Bootaki n Aine* a kaokoro ma ake n *Nakomai, Irirai* ibukiiia kairake, te anga n angareirei ao n reiakinaki bon ti te arona. Ibukin rongorongon riki taekan te reiakinaki n te euangkerio ao te angareirei, taraa *Angareirei n Ana Kawai te Tia Kamaiu* n teaching.lds.org.

Te Atatai ae Boou n te Tabati

Inanon Tianuare 2018, bootaki n te Reirei n Tabati ibukin kooram n te Nakoanibonga ae te Merekitereka ao te Bootaki n Aine a na bitaki. Bitaki aikai a irekereke ma bwaaai n reirei ake ti kabonganai—rinanin Aia Reirei Beretitenti n te Ekaretia a na oneaki mwiiia ma katerete-rean te reiakinaki ae moan te korakora man rongorongon n te maungatabu ni kabuta, kaai n reirei ni kabane, ao ni kamatebwai atuun reirei aika onoti ake a rineaki mairouia ara mataniwi ni kabuta.

Ma te kabanea ni bitaki ae uaana e riai ni karaoaki bwa ti na kanga ni kamanenai bwaaai n reirei aikai ni kakoroa nanon oin raoi te kantaninga n ara bootaki n te Tabati.

Oin Kaantaninga n Ara Bootaki

E a tia te Atua ni barongaia Natina mwaane ao aine ake a tia ni karaoi berita ma te Uea nakon kooram n nakoanibonga ao te Bootaki n Aine bwa aonga ni buoka kakoroan nanon Ana mwakuri. Iai te bwai ae korakora ae e na riki ngkana ti ikotaki iaan aia kairiiri naake a tauu mwiin kiingin te nakoanibonga. Ngkai e kakawaki ana kaetieti te euangkerio, bootaki n te Tabati ibukin te nakoanibonga ao te Bootaki n Aine a raka riki nakon ae taian kiraati. A kamwakuri naba taian bootaki ake ti reiakinaki ni kabane man taian rongorongon n te maungatabu ni kabuta, reirei taekan te mwakuri ni kamaiu, ao ni baronga kakoroan nanon te mwakuri. Bitaki ake a na kaoti n 2018 a na buokiira ni kakoroa nanon kaantainga aikai.

Ma te kabanea ni bitaki ae uaana e riai ni karaoaki bwa **ti na kona ni kakoroa nanon oin kaantaninga raoi aikai** n ara bootaki n te Tabati.

Tarai riki rongorongon n te kaongora n Nobembwa n te *Riaona* ao *Ensign*, n te Gospel Library app, ao n *ComeFollowMe*.lds.org.



Tiaki ngai te tia reirei n te kiraati n te taromaui. E riai bwa N na kabwakamwane nakon te *Riaona* ke *Ensign*?

E na kakorakoraaki riki am atatai ngkana ko wareki rongorongon n te maungatabu ni kabuta ao n uoti nakon am bootaki n te Tabati. Ko kona n noori rongorongon i aonraain n te conference.lds.org ao n te Gospel Library app ke man te kabwakamwane nakon te *Riaona* ke *Ensign* (taraa store.lds.org).

Tera ngkana arona bwa e aki tauraoui te maekatiin ibukin te maungatabu ni kabuta n au taetae? Rongorongon n te maungatabu ni kabuta a tauraoui n taetae aika mwaiti n conference.lds.org ao n te Gospel Library app, ao karikiram ibukin bwaaai n reirei a tauraoui n *ComeFollowMe*.lds.org. Ngkana n am taetae e aki karekei karikiram ibukin bwaaai n reirei n te aonraain ke n te maekatiin, taraa *Kaetieti ibukin Karikiram*, 2018 ibukin rakan rongorongon.

N ningai ae ti na moana kamatebwaiian rongorongon aika boou n te maungatabu ni kabuta? Ko na moana kamatebwaiian rongorongon n te maungatabu ibukin Okitobwa 2017 n Tianuare 2018. Imwiin anne, am tia kairiiri n te aba a na bairea tain kamanenaan rongorongon man te maungatabu are imwiina—tao ni Meei ao n Nobembwa ni katoa ririki.

Antai ae rinei rongorongon n te maungatabu ni kabuta ake ti na kamatebwai? Am tia kairiiri n te aba a na kaai n reirei ni kabane bwa baikara rongorongon n te maungatabu ake ana buoka kainnanaoia kaain am kooram, kurubu, ke te Bootaki n Aine. Te kurubu n ibonga ae rietaata, kooram n unimwaaane, ao te Bootaki n Aine n te uote ke mwaanga ae titebo a na bae ni kamatebwai rongorongon aika kakaokoro ni buoki kainnanao aika kakaokoro.

